

Međunarodna konferencija o BiH u Ženevi – 10 godina poslije Dejtona

# Na lekcijama iz prošlosti izgraditi temelj budućnosti

Međunarodna konferencija o BiH bavit će se suštinskim pitanjima vezanim za budućnost zemlje, uključujući izgradnju države, ustavnu reformu, sigurnost, pravdu i pomirenje, kao i stanje ekonomije, kulture i obrazovanja

●Samo nekoliko sedmica uoči desete godišnjice Dejtonskog mirovnog sporazuma, visoki političari, diplomati, eksperti i mladi

ljudi iz Bosne i Hercegovine i inozemstva sastali su se jučer u Ženevi kako bi predočili lekcije naučene tokom deceniju dugog

međunarodnog prisustva u zemlji opustošenoj ratom i razaranjem.

Nekoliko plenarnih sjednica i 12 tematskih okruglih stolova Međunarodne konferencije o Bosni i Hercegovini bavit će se suštinskim pitanjima vezanim za budućnost zemlje, uključujući izgradnju države, ustavnu reformu, sigurnost, pravdu i pomirenje, kao i stanje ekonomije, kul-

túre i obrazovanja. Ženevska konferencija rezultat je dvogodišnjih priprema bosanskohercegovačkih i međunarodnih aktivista i analizirat će neuspjehe i dostignuća u prošlosti, ali će se prvenstveno usmjeriti ka razvijanju prijedloga za bolju budućnost Bosne i Hercegovine. Konferencija se održava samo nekoliko dana nakon odluke Evropske unije da započne pregovore o stabilizaciji i pridruživanju sa Srbijom i Crnom Gorom i pristupne pregovore s Hrvatskom. Također dolazi nakon nedavnih napredaka u unutrašnjim reformama u Bosni i Hercegovini. U tom smislu, ženevska konferencija obilježava značajan korak u prelazu iz postkonfliktnog u društvo koje je pred ulaskom u EU.

## Duga lista eminentnih učesnika

Govornici na konferenciji će biti Jakob Finci, predsjednik Udruženja Bosna 20-05 i predsjedavajući Konferencije, Wolfgang Petrič, predsjedavajući visokog savjetodavnog odbora udruženja, Oli Ren, komesar za proširenje EU, i Adnan Terzić, premijer Bosne i Hercegovine. Izvršni direktor Udruženja BiH 2005 je Kristof Solioz, a visoki savjetodavni

odbor čine Wolfgang Petrič, (predsjedavajući), Sonja Biserko, Lakhdar Brahimi, Erhard Busek, Daniel Kohn-Bendit, Jovan Divjak, Marak Goulding, Sonja Liht, Božidar Matić, Predrag Matvejević, Tadeuš Mazovjecki, José Maria Mendiluce, Vreni Müller-Hemi, Manfred Novak, Džems C. O'Brien, Jasmina Pašalić, Kristian Švarc Šiling i Rames Takur.

**Ženevska konferencija "Deset godina nakon Dejtona i dalje"**

Dogovor za bolju budućnost BiH: Petrić, Bilt i Finci

## Ustavne promjene će samo otkloniti prepreke za promjenu BiH

● Visoki predstavnik za BiH, Pedi Ešdaun, u petak je govorio u Ženevi na konferenciji o budućnosti BiH pod nazivom "Deset godina nakon Dejtona i dalje", koja se održava u znaku obilježavanja 10. godišnjice Dejtona.

Visoki predstavnik je istakao da BiH kreće u novo razdoblje i da će početak pregovora o Sporazumu o stabilizaciji i pridruživanju sa EU označiti odlučno odstupanje od poslijeratne dejtonske stvarnosti. Posebno je naglasio da ova zemlja u proteklih deset godina nikada nije imala tako jasnu viziju sopstvene budućnosti kao sada. "BiH se nalazi između postratne stabilizacije, s jedne strane, i

trebne za uredno funkcioniranje države osnovane - sada moramo učiniti da funkcioniraju na pravi način».

"Sada se moramo fokusirati na to da stvorimo državu kojoj će građani biti u prvom planu, a ne njeni političari", rekao je visoki predstavnik. "To znači smanjenje troškova vlasti, optimiziranje troškova eliminisanjem duplih usluga na različitim nivoima obimnog administrativnog sistema i usklađivanje plaća državnih službenika sa mogućnostima zemlje da ih podnese", rekao je Pedi Ešdaun.

Nakon što se osigura proces stabilizacije i pridruživanja, potreba za ustavnim promjenama postat će očiglednija, izjavio je visoki predstavnik.

### Ravaud: Vijeće Evrope može izreći sankcije BiH

Napredak u BiH je spor i bolan, ali ga ipak ima, izjavila je u petak za Agenciju FENA šefica Monitoring komiteta Parlamentarne skupštine Vijeća Evrope Karolina Ravaud, koja boravi u višednevnoj posjeti BiH kao član tročlane delegacije Parlamentarne skupštine Vijeća Evrope.

Prijemom u Vijeće Evrope BiH je preuzela određene obaveze od kojih je za neke postavljen rok. U izvještaju će se iznijeti određeni broj preporuka, a ukoliko bh. strana konstantno pokaže neuspjeh u nekim oblastima mogu joj se izreći sankcije, uključujući i suspenziju prava glasa bh. delegaciji u Parlamentarnoj skupštini Vijeća Evrope.

Ravaud je zabrinutost izrazila zbog slabog napretka u oblasti obrazovanja, zbog čega je delegacija insistirala na ovoj temi tokom većine razgovora koje je imala s bh. zvaničnicima.

"Postoji velika razlika između živjeti jedni pored drugih i živjeti zajedno", kazala je ona. Ona je također ukazala da su u BiH neophodne ustavne promjene, ali da ne postoji evropski model koji bi BiH mogla kopirati.

tranzicije prema Evropi, s druge. Od sada imamo jasnu viziju o tome gdje idemo i šta treba da se uradi da tamo stignemo".

Navodeći kako je sa usvajanjem Sporazuma o reformi policije koji je prihvatila Evropska komisija uklonjena i posljednja reformska prepreka za put prema EU, visoki predstavnik je konstatovao da su "osnovne institucije koje su po-

"BiH sada mora načiniti promjene koje će joj omogućiti da nastavi put ka punom suverenitetu i stabilnosti, a iznad svega, da preusmjerava sredstva sa organa vlasti direktno prema građanima. Nijedna država ne može imati lojalnost svojih građana kada troši 70 posto poreskih prihoda na vlast a samo 30 posto na usluge koje se pružaju građanima".

